

Sak nr 02-21 Godkjenning av avtalar mellom RSS og VØR.

Tilråding til vedtak:

Styret godkjenner avtalane 1 – 13 mellom RSS og VØR for 2021, slik dei ligg føre.

Saksutgreiing:

Innleiing og samandrag:

Styret får årleg framlagt avtalane mellom det heileigde dotterselskapet RSS og VØR.

Avtalane vart grundig gjennomgått i 2019, og underlagt forvaltningsrevisjon, utan at revisor fann noko kritikkverdige.

VØR sin monopolaktivitet er regulert i lovverket med eigen vegleiar frå kommunaldepartementet, i tillegg til at Lov om offentlege anskaffelsar (LOA) set krav til transparens og forbod både mot subsidiering av monopolet og av den konkurranseutsette aktiviteten.

På den andre side har beløpstorleiken i LOA auka siste åra, før kravet om utlysing i Doffin slår inn. Dermed er det i eit lite selskap som vårt, dei færraste kjøp som skal utlysast i Doffin.

Kravet om transparens og at der skal vere konkurranse kring kjøp, ligg der likefult.

Saka tar ein gjennomgang av avtalane mellom dotterselskapet RSS og VØR.

Vedlagt saka er rekneark med einingsprisar og utrekningsgrunnlag. Reknearka er unnateke off, då det er ein del av VØR sin forretningsmessige drift.

Avtale 1: Behaldarutleige, henting og levering av restavfall, papp og papir, glasemballasje og matavfall.

Grunnlaget vi fakturerer RSS for, bygger på to fundament. Det eine er ei kontrollrekning av kostnadene våre frå førre år, og korleis vi ventar komande år skal sjå ut i den samanheng. Det andre er styringskravet om at kostnadene ikkje kan ligge over det nivået vi fakturerer RSS for. Det blir definert som kryss subsidiering, og er ikkje lov.

Styret har tidlegare sett krav om indeksregulering av prisane frå år til år, og i det ligg det sjølvstapt eit insitament for VØR å halde kostnadene nede. Det er likevel slik juridisk, at lovkrav går framfor privatrettslege avtalar. Tiltak som hindrar kryss subsidiering må vege tyngst.

Detaljane i avtalen med RSS er slik:

1. Ein betalar for leige av behaldarar omgjort i 140 L einingar for å få samanliknbare storleikar. Ein 140 L behaldar er 1. Ein 240 L behaldar vert ganga med 2. Ein 340/360 L behaldar ganga med 3. Og ein 660 L behaldar vert ganga med 5.

2. Ein betalar for hentinga. Dei med abonnement betalar, dei med vekt betalar, og dei med variable mengder betalar. Prisen pr. henting av behaldar kjem fram frå tal tøming delt på total kostnad med drift av bilar inklusiv kapitalkostnad, mannskap og arbeidsleiing.
3. Ein betalar for innhaldet i behaldaren. Her reknar vi ei sjablongvekt om er komen fram frå snittvektene gjennom året. Eksempelvis vil 4.000.000 tonn innsamla avfall fordelt på 500.000 tømingar med restavfall, gi ei snittvekt på 8,0 kg pr. 140 L behaldar. Dette vert multiplisert med kilopris for dei ulike fraksjonane. Leige for lagerplass og sjølve omlastinga av avfallet til utkøyring, vert dekt av andre avtalar.

Avtale 2. Maskiner og utstyr.

Avtalen er knytt til leige av kvern og hjullastar hos VØR basert på timeteljar i maskinene. Grovkverna er i bruk på trevirke og restavfall til energigjenvinning, og vert nytta for å redusere transporten ut frå VØR. Kverna materiale tar halvparten av plassen i krokkasser i samanlikning med ukverna materiale, og gjer at kostnadene og miljøfotavtrykket vert redusert monaleg, sjølv om kværninga og representera ein kostnad.

Finkverna er i bruk på hageavfallet og noko trevirke. VØR har berekna inn kvernekostnaden i den prisen vi tar for levering av hageavfall til VØR frå næring.

Hjullastaren er i bruk i begge selskapa. Der har vi ein avtale der VØR fakturera RSS kvar månad for eit fast timeforbruk. Vi har hatt ei runde med våre folk på hjullastar, og tilbakemeldinga er at dette forbruket er uendra frå tidligare.

RSS på sin side fakturera VØR for bruk av Retura sine bilar og sorteringsmaskin.

Avtale 3. Leige av bygg og areal.

RSS leiger kontorplass, lagerplass inne, uteareal og plass i sorteringshallar og lagerhallar. Dette arealet er oppmålt og skravert opp på kart, slik at RSS veit at dei har arealet fysisk tilgjengeleg. Vi foreslår uendra husleige i 2021. Årsaka er nivået vi alt ligg på i høve marknaden i Volda og Ørsta.

I sum ser vi ei haldningsendring ved at fleire og fleire nyttar miljø og gjenbruksstasjonen til VØR for å sortere avfallet sitt. Det gjeld og næringslivet, der mange har hatt ein tradisjon ved å levere avfallet som restavfall og ikkje noko anna.

VØR og RSS har vorte samde om ei løysing der VØR tar eit påslag for det avfallet som RSS sine kundar leverar i hallen, og fakturerar det månadsvis. Det innførte vi i 2019. For 2021 vil vi prøve å få dette meir nøyaktig, på grunnlag av vektrapportar. Det er ikkje berre enkelt, men vi lagar no eit prosjekt på det, med sikte på å få det meir nøyaktig.

Avtale 4. Farleg avfall

Farleg avfall er ei lovpålagt oppgåve der VØR har mottaksplikt. VØR har eit påslag på det RSS leverar gjennom VØR likt med tidligare.

Avtale 5. Leige av rekneskapsføring vekt med meir.

Leige av rekneskapsføring, med meir. Dette er indeksregulert ved at VØR legg på SSB sitt overslag på venta lønsstigning for komande år.

Avtale 6. Leige av fiber, ASP, og kompensasjon for bruk av kopimaskin lisensar med meir.

VØR har rammeavtalane med fiber, ASP, lisensar med meir. Denne vert å kome attende til i styremøtet i mars.

Avtale 7. Levering av restavfall frå RSS til VØR

Denne er no lagt om, slik at det kan gå inn i Geminor sin avtale.

Avtale 8. Levering av EPS

Vi deler på rekninga med RSS om levering av EPS to-tre gangar pr år.

Avtale 9, 10 og 11. Levering av grovt restavfall frå VØR til RSS.


Denne er no konkurranseutsett og skal leverast til Geminor. Kværning og sortering må RSS utføre for oss, noko vi har pris på. For trevirke betalar vi for levering via RSS som før. I 2022 vil dette endre seg, der VØR då vil levere til materialgjenvinning som er meir kostbart enn energigjenvinning.

Avtale 12. Hageavfall

Avtalen regulerar vilkåra for levering av hageavfall frå næring. Venta ingen prisauke.

Avtale 13. Vidarelevering av FA med plussverdiar.

RSS leverar enkelte parti med FA med plussverdi til VØR, som er ferdig emballert og klar til vidareending. Disse betalar vi litt for. Som regel må RSS betale vidare same beløpet til kundane sine.



Petter Bjørdal
Dagleg leiar

Vedlegg:

Rekneark som syner kronebeløpa for kvar enkelt avtale vert sendt på mail til dei møtande medlemmane.
Unnateke off.l. § 13. andre ledd.